




Future-proofing our children

Sikolo sa la Sunda: 1

Toho ya Tuto

Joani u sibahaza Jesu

Buka ya Bashemi
Sikolo sa la Sunda sa mwa malapa



Balatiwa Bashemi

Mwa amuhelwa kwa tuto ya sikolo sala sunda 1, yeli: **“Joani u zibahaza Jesu”** Pampili ye imifa liseli-nyana kamo mukona ku lutela tuto ye.

Mo mukona ku itukiseza ni kufa tuto

Ze tatama ki zeñwi zeo mu swanela ku ezeza mwa ku itukiseza ni ku fela tuto ye.

Muhato	Sa kueza
1.	Mu kene fa likepe la Keleke ya ba Apositola ba Banca, ka ku sebelisa likepe le fa WhatsApp: https://bit.ly/3NACSSHS
2.	Mu be ni lisebeliso ze tatama kuli mu kone ku itukiseza kufa hande tuto: • Bibeke • Mapampili a lukisizwe kale a tuto ye. • Buka mwa sebeleza mwanana, lipotoloto ni lipendiso za banana, ni zeñwi cwalo. • Maswaniso aku buha a lukisizwe a kona ku sebeliswa ku ekeza fa halimu a tuto (ha ku konahala) • Katekisema ni buka ya lipuzo ni likalabo (Kwa banana ba bali mwa litopa za Tiisezo) Mamela: 2.1: Nako yende yakufa tuto ki la Sunda ka kusasani, ka samulaho a sebelezo, sina banana ha ba fiwanga lituto ka nako yeo. 2.2: Mukupiwa ku eza tuto ye bukuswani ha ku konahala, ka ku hupula nako nyana yeo banana ba kona ku teezeza ni ku utwisisa hande. (Mu sike mwa bulela ze sa ami tuto) ya mwanana – Ki mina mu ziba ahulu mwana mina ni ku fita. <i>Ka mulao, sikolo sa la Sunda hasi swaneli ku fitelela mizuzu ye mashumi a mane nito tu keta lizoho (45 minutes).</i> 2.3: Lituto li kauhanyizwe ka litopa (Sikolo sa la Sunda, Lituto za Bibeke ni Tiisezo) 2.4: Mulizeze kapa ku ikopanya ni muluti wa sikolo sa la Sunda ha mu tokwa tuso kwa lisebeliso ze bulezwi.
3.	Mu lapele (Mubone tapelo ye ñozwi, kwa mafelelezo) mi mukupe Mulimu kuli ami eze sisebeliso mwa kufa tuto ye, ka mwa latela.
4.	Mu eze sibaka sa tuto kuba se sinde (ku sina lilata) fo mina ni mwanana mu bani buino bo buswana. Ka mutala: Mu ine fa lishasha/ fa museme kapa fa lipula ku potoha tafule
5.	Mu eze sibaka sa tuto kuba se sinde (ku sina lilata) fo mina ni mwanana mu bani buino bo buswana. Ka mutala: Mu ine fa lishasha/ fa museme kapa fa lipula ku potoha tafule
6.	Mu iñolele tu ñusanyana twa butokwa to mubata ku hupula ha mufa tuto.



Mufe tuto ya Sikolo sa la Sunda 1, mwa malapa

Mo kuswanehela ku itukiseza ni kufa tuto ye

Lu zwela pili ku mifa mikwa, yeo muswanela ku itukiseza ni ku fa tuto ye:

Muhato	Sa Kueza
7.	Mu utwisise butokwa bwa tuto, yeo mwanana a swanezi ku mamela ni ku sa libala.
8.	Mu fe mwana mina tuto ye, ka ku mukandekela likande la tuto. Mu kona ni haiba ku mu balela likande le ha mu tabela.
9.	Mu supeze mwana mina video, mi muketele butokwa mwa tuto ye.
10.	Mu bulelele ni ku susuweza mwana mina kuli a eze musebezi o mwa buka ya hae, ya sikolo sa la sunda.
11.	Mu lapele kapa mu kupe mwanana kuli a lapele kaku kwala tuto.

Lisebeliso ze fumanaha kuama Sikolo sa mwa malapa

Ze tatama ki lisebeliso ze kona ku ekeza ni ku tiiseza butokwa bwa tuto:

1. Mu eze likepe la WhatsApp la ku ikambota tuto ye ni mabasi a mañwi a sikolo sa la sunda.
2. Mu ambole ni bashemi ba bañwi kuli mube ni kutwisiso ku amana ni tuto pili mu sika ifa kale ku mwana mina.
3. Mu be baba lukuluhile, ku batisisa litaba zeñwi kuama tuto ye.
4. Muongaongi ni muluti wa sikolo sa la Sunda mwa kopano yamina ba itukiselize ku mi tusa.





Tuto

Toho ya tuto	Joani u zibahaza Jesu
Timana ya Bibe	Joani 3: 23 ni Joani 3: 26 - 36

Mutomo/ butokwa bwa tuto	Banana ba lemuha kuli Mulena Jesu ki mwana Mulimu. Jesu u ziba tato ya Mulimu.
---------------------------------	--

Tuto ye kusufalizwe:

- Balutiwa ba Joani ba bañwi, ba kala ku bilaela ku yena kuli Mulena Jesu ni yena na kolobeza batu ni kuli Jesu na na ni balutiwa/ ba lateleli ba bañata mi batu ba bañata ba ya ku yena.
- Joani a ba tolokela kuli Jesu ki yena mupulusi/muliululi wa niti ni kuli Mulena Jesu u amuhezi mpo ya moya o kenile ku zwelela ku Mulimu kuli ni yena a kolobeze ka moya o kenile.
- Joani a ekeza ku ba luta kuli: “Yena “Jesu” u swanezi ku tuma hahulu, mi na, ni kokobe. Joani 3: 30.
- “Ndate u lata Mwana, mi u beile lika kamukana mwa maata a hae. Mutu kaufela ya lumela ku Mwana u na ni bupilo bo bu sa feli. Ya mu hanyeza kaufela h'a na ku ba ni bona, kono u ta halifelwa ki Mulimu kuya kuile”. Joani 3: 35-36

Tuto ye italusa sika mañi ku luna kacenu?

- Joani a ba tolokela ba lutiwa ba hae kuli, Jesu ki yena mupulusi/muliululi wa niti ni kuli Mulena Jesu u amuhezi mpo ya moya o kenile ku zwelela ku Mulimu kuli ni yena a kolobeze ka moya o kenile.
- Joani na bulezi “Jesu u swanezi ku tuma hahulu, mi yena, ni kokobe. Ni luna lu swanela ku lumela Jesu ku tuma ahulu/ ekeza mwa bupilo bwa luna ni ku cinca ku zwa mwa mikwa ni mipilelo ya luna ya sibi.
- Ka ku lumela mwana hae mwa lifasi, Mulimu u lufile mpo ye tuna.
- Mulimu na beile lika kamukana mwa maata a Jesu, kacwalo Jesu u ziba tato ya Mulimu.



- Lu swanela ku lumela ku Mulena Jesu ni ku eza tato ya Mulimu ili kuli lu fumane bupilo bo busafeli ni Mulimu.
- Haiba inge lu sa kuteki Mulena Jesu, lu ka fiwa koto ku zwelela ku Mulimu mi ha luna ku fumana bupilo bo busafeli ni Mulimu nako yeo Jesu ha ka taha ku to lunga.

Lipuzo zemwi ze lu kona ku buza:

1. Balutiwa ba Joani ne ba bilaela ka sika mañi?

Kalabo: Balutiwa ba Joani ba bañwi, ba kala ku bilaela ku yena kuli Mulena Jesu ni yena na kolobeza batu ni kuli Jesu na na ni balutiwa/ ba lateleli ba bañata mi batu ba bañata ba ya ku yena

2. Kanti Joani na kolobeza ka sika mañi, batu bao bene ba cinca bupilo bwa bona?

Kalabo: Joani na ba kolobeza ka mezi.

3. Kanti Jesu na kolobeza ka sika mañi, batu bao bene ba cinca bupilo bwa bona?

Kalabo: Jesu na ba kolobeza ka moya o kenile.

4. Se lu swanela ku eza ki sika mañi kuli lu fumane bupilo bobu safely ni Mulimu

Kalabo: Lu swanela ku lumela ku Jesu ni ku eza tato ya hae- ku pila bupilo bobu tabisa Mulimu.

Tapelo ya Bo Ndate ni Boma ye fiwa pili tuto isi ka tateka:

Mulimu ya lateha. Lwa itumela kwa lizazi la kachenu

Fuyola bashemi ni banana ba luna

Tusa kuli lukone ku lemuha ku bateni kwa Hao

Fuyola tuto ye lu taba ni yona

Lwa kupa, ulu lute mo lu swanela kuku sebeleza

Mi ulutuse ku eza tato ya Hao

Kuli lu hule mwa kuba bukaufi ni wena

Luma Jesu ato lunga

Mi ulutuse kuba baba itukiselize ku mukatanyeza

Amen